

## گلیر زیققینا زیققینا

گۆردوم سحر غصه بَیْی گلیر زیققینا زیققینا  
الینده وار غم تۆتَه یی چالیر زیققینا زیققینا  
گیریب آغیر یوک آلتیندا، آغیر یوکون تک آلتینا  
وورون اونون جک آلتینا، چکیر زیققینا زیققینا  
قاتیب، قاریشدیریب سۆزۆ فۇلاق آغیر، گۆرمور گۆزۆ  
تۆکۆب الکده اۆسه بیر الیر زیققینا زیققینا  
آرالغین یالان سۆزۆ، یالان، مالان، پالان سۆزۆ  
ماققاب اولوبدو بئینمی، ده لیر زیققینا زیققینا  
باشین سلیبیدی یئمله بیر، بیر دره ده قویون کیمی  
هر هۆره نه، هۆروت باخیر، مه لیر زیققینا زیققینا  
ایسته بیر بۇرۇشدورا، هر گلنه سۇخوشدرا  
تۆکدوبو او حیاترین، سلیر زیققینا زیققینا  
دۇغور نه شیقدا شعرینی، ناز ایله باخ امیشدیریر  
هئی تۆتورۆ گۆی اسگیه، به لیر زیققینا زیققینا  
گولوم، دارتینا دارتینا، انشین قارینا قارینا  
«یالغیز» نیقینا نیقینا گلیر زیققینا زیققینا

## ظالم پۇللو

بىلمىرەم يارب نەدن اوز وئردى دۇنيا پۇللويا  
پۇللو اىستىير پۇلسوزو دايم اولاغ تىك چوللويا  
ياغ گئدىر ياغ اوستونه، يارما ياوان قاينير ولي  
دوردو دىنلردە داياغ، هر دورە آنجاق پۇللويا  
سندە قىسدىن وئرمەلى يئرلردە يۇخسولدان اوزون  
ائىلەدىن بىر بۇللو بخشش، دوزوسو چوخ بۇللويا  
پۇللولار سالىدى سنى بىر الرىلە، چىنگىنە  
اۆلدو عامىل شارلاتان مظلۇما، ظالم زوللويا  
واردى بىر داش آغرىسى يارب دئىرلر سىندەدە  
نازىن دۇنبوللسوزون وئردىن چكى دۇنبوللويا  
كعبەسىنىن معشۇقون هر گون طواف اتمك اىچون

ايت كيمي عاشيق گرك طوافوندا قۇيروق بوللويما  
بىر تازا تدبىر قىل آي كۆهنه آلاھ، طرح تۆك  
بىر نفر سن يۇللا گلسىن، قۇيما شىيطان يۇللويا  
يالقىزىن شعرىن روانلىر، آنلىانلار چون نماز  
گونده بئش يۇل ائىلهسىن لعنت بۇ ظاليم يۇللويا

### نه دئيم ئىلهدي؟!

من كي گئتمه يرديم غم سوراغينا

او گليب تپيلدي تئز اوتاغىما

يالواريب، دوشندي ال - آياغىما

او قدر آزىلدي ايستهدي اوزون

اوزونه يئر ائديب، يئرئندي سوزون

نە قۇيدو دانيشام، نە قۇيدو گولم  
نە او قۇيدو گندم، نە قۇيدو گلم  
قۇزادي قۇيروغون او ائتدي علم

چئويريب چيخارتدي او بير اوزون  
اغزيني آچاركن، او يۇمدي گوزون

گنچدي گاه ساغيما، سولوما گنچدي  
الدي قاباغيما، يولوما گنچدي  
دولاشدي قيچيما، قولوما گنچدي

ميندي آشيردي، او بيخدي اوزون  
مني زورا سالدي، او سيخدي اوزون

اغزيمين داديني، زهر ائيلهدي  
او بيري ياريمدان بتر ائيلهدي  
نە دئيم نئلهدي، نەلر ائيلهدي

منى تاهدان سالىب بزه دى اوزون  
ايسته ديم ديلله نم، بره تدي گوزون

اوركده سوزلريم، بير خزانهدير  
باهاريم سوووشوب، اوز خزانهدير  
«يالقيز» ام سوزلريم يالقيزانهدير

يا گرك من دئيم اتليمه دوزون  
يادا كي ديليمي كوكوندن اوزون

ساسانى عصرىندە اۇچان خالچالار  
ايندىكى سۆز گىچىدى يالان اوستونە  
بۇ يالانى دۇغرو آلان اوستونە  
قۇي پالانى قۇوزا پالان اوستونە  
باس يىرىسىن كىم كىمەدى آي بالا  
گىت قاباغا قالما زاماندان دالا  
دۇشدىو يادا باشدا گىندەن خۇنچالار  
ساخسى كۆزە عصرى سىنىق دۇلچالار  
شوقسىدە گۇيرلدە اۇچان خالچالار  
خالچالارىن اۇچماسىن او دهرىدە  
مطلبىنى گىت اوخو «همشهرىدە»  
گور نه «شورىر» اوردا قىامت ائدىب  
خالچانىن اۇچماسىنى اثبات ائدىب  
دوورة ساسانىبه مربوط ائدىب  
سندە اوخو بۇ يالانى كئف ائله  
آل دالىنا بۇ پالانى كئف ائله

نه آلاهدان ناراضيام،

نه دۆلتدن گيلئي ليم

باشداكيلار باشدا گزير، اياق آلتين

اودور، گورمور

اياق آلتدا قالانلاردا، قاريشقاتك ازيلير

گورمور، اونلار نئيله سينلر؟!!

ناراضيام، گيلئي ليم!

بانك ملّي قباغيندا، بازارچادا

ميوه ساتان طابقچيدان، گيلئي ليم

ائله بزه بير ائله دوزور

قارا خالتك گوستيريركن

آل آتيرسان گوتورمگه -

گورورسن كي، او ده بيلدير او بيرسيدير.

چۆمچەسىنىي ائله وۇرور، بىر دانادا ياخشىلاردان -

چۆمچەسىنىدە تاپىلمايىر

دۆۋرە گۆرۈب، ايش اویره نىب، هر آدامىن ايشى دەيىل

ئوده يالنىز آيىلىرام بۆرك باشىما نه جور گنجىب

گونده منىم ايشىم بۇدور.

هئى دئىرم كى آلمايىم، يا آلندا دىقت ائدىم

ائله تله قۇرولوبدور، فىكر ائتمىرم -

اوردان كئچن او تله يه يا دوشمه سىن، يا اياغى ايليشمه سىن

اوردان ميوه اوچ يوز تومن، محلله ده بنش يوز تومن!

محلله دن آغىر گلير، اوردان آماق اولوك گلير

ميوه ساتانلارىن چۇخو، عوام، ساده، ساوادسىزدير

نه خطى وار نه ده فىكرى!

خطى خلقى جازلاماقدىر

فىكرى كئفىن سازلاماقدىر

بۇنلا بئله

نه آلاهدان ناراضىام، نه دۆلتدن گىلئى لىيم.



## يالقيز دردي

آي دوز آدام، شهرلي سن؟ كندلي سن؟  
تبريزلي سن، جووندي، امدلي سن؟  
يالانچيدان آچيqli سان، دردي سن  
دردين گل سين يالانچينين جانينا  
چيبان چيخسين قولتوغونا، يانينا  
محتكرين كاش انباري، داغيلسين  
قيرقين اودو، وار يوخونا ياغيلسين  
اينكلري ياد گنديين، ساغيلسين  
سويا ده كسين آهاكلاري آچيلسين  
بيغديقي مال هئچه پوچا چيخيلسين  
حوقابازين، داشا ده گسين حوققاسي  
اونو اودسون عدالتين ناققاسي  
ووروب بيخسين، حقيقتين، ناققاسي

باغیرساقی دوگون دوشسون قیریلسین  
حق الیلہ خام بنز تکین جیریلسین  
«من» دئیہنین باشدان دوشسون شابقاسی  
مکافاتین خافدان دهگسین شاپاسی  
شاققالانسین ایکی پارچا شققهسی  
یاخشی، پیسلر بو اولکهده، الهنسن  
یارامازلار دیله گلسین دیلهنسن  
پیس آدامین پوخو دوشسون ترسهسی  
گئری فالسین، دولانماسین چرخهسی  
ظالمترین یئره گلسین ارخهسی  
یالتاق اولوب باتیب یئره گیرئیدی  
اولمه یئیدی «یالقیز» اونو گورئیدی

## باغريم اولوب قان آلايه

اوره گيم درده گليب باغريم اولوب قان آلايه.  
سن اوزون درديمه چاره ائله درمان آلايه  
بو سوز اوستونده گنديدير چوخونون باشي دارا  
توپراق اوسته بله شيب قانينا غلطان آلايه  
آي جانيم بئله ده، فرقيلي اينسان اولماز  
بو سوز اوستونده دئيرلر سنه بوھتان آلايه  
گييه دوولتلي اوشاقي گزه الوان لباسي  
يوخسولون آرواد اوشاقي قالان عوريان آلايه  
بیر پر قو دوشك اوستونده ياتيپ ناز ائله يه

بیریدە تاپمایا بیر کۆهنەجە یۇرقان آللاه  
میرزعلی معجز رحمتلیگه چۆخ رحمت اولاً  
نە گۆزل بۇ سۆزۈ ائتمیشسە او عونوان آللاه  
(بالی خلق ائیلە میسن یۇخسولو چاتلانماق اوچون  
اونو باتمانلا تیخا، تاج حاجی رحمان، آللاه)  
یاخشی صبح چاغی اویاندم دئی شیخ یات گئجه دیر  
ائلیرم ایندی قضا نیتی سۇبحان آللاه

### «دۇزون آختارسان اگر»

هۆله سک گلدی دونن دفتره دۇستوم (باری)  
دئی: یاز دفتره یالقیز، «دۇزون آختارسان اگر»  
ایندی بۇردان سۇوشوردوم یادیم سیز دوشدوز  
بیرده بۇ تیتیری دئییم یاز، «دۇزون آختارسان اگر»  
دئیم: آی دۇست هله ایندی دئیرسن بۇ وزو

دۈزلرې بۇردا تاپارسان، «دۇزون آختارسان اگر»  
اۇ قدر اگرې، بۇروق يۇللارا چكميشلر، ائلي  
بىزىده ائل اينانامير، «دۇزون آختارسان اگر»  
يۇلوموز حق يۇلودور، سۆزلريميز، ائل سۆزودور  
آيرې بىر يۇل يۇخوموزدور، «دۇزون آختارسان اگر»  
بىزه تۆھمت وۇرا! هر كيمسه اۇ اينصاف سىزدير  
غرضي وار بىزىله بىل «دۇزون آختارسان اگر»  
(يارې) جان آرخابين اۇل، يالقيز اوزون وقف ائديب  
ائللره قۇلوق ائده دوز، «دۇزون آختارسان اگر»

ياي وار، قيش وار، چوخ ايش وار  
ايچين آچسان، بۇ سۆزون  
گۆره رسيز كي، هر ايش وار  
هر بير ايشين، ايچينده  
بۇروشوق وار، قيريش وار  
هر قيوريشين، قاتيندا  
ساييسيز، س. . . ش قيريش وار  
ايشي گرگ، سئچەسن  
سۇروش واردير، گيريش وار،  
آيدين سئچيب، دۇياسان  
دۇيوش واردير، باريش وار؟  
قاليب سنين، دركيوه  
دۇروس واردير، گنديش وار؟  
گنتديگين يۇل، باغليدير؟  
يا بير يانا، چيخيش وار؟  
داغ دره تك، دۇلاشيق  
يۇققوش واردير، انيش وار؟

زندگانلىق، اۇيوندور  
اۇيوندا ھر بىر ايش وار  
بۇ دونيادا نە قدر  
بۇ سيستيم وار، روپش وار؟!  
دوز ايش يوخدور اۇنو بيل  
ھر ايشده بىر قمپش وار  
ياخشي دئييب اتالار  
(ياي وار، قپش وار، چوخ ايش وار)

## اۇلمايا گىتدىن ايليشدىن

وعده وئردىن كى گىندى قايىدىب تىز گلهسن؟  
قايىدىب گلمەدىن افسۇس نىيە چىخدىن بىلەسن  
تلسىردىن كى گىندى تىز اولون، وقت اوْتور  
تلسىك گىتمە دىدىك دۇر، بالاسى دۆز ھلەسن  
تلسن ترسە دوشىر، ياخشى دىيىلر بۇ سۆزۈ  
دوشىر البتە دىيىلر تەيە چۇخ تلسن  
سن دەيىلدىن بىلە كى، اۇلمايا دودون ھاجالا  
سنى كىم سالى بۇ غوغايە، اۇنو گل دىلەسن



اۇلمايا گىتتىدىن ايليشىدىن بالا بىر ماوي گۆزە  
اينجە بىللىي، ساري كۆينكلىي، ساريم تىل تىلەسن  
يۇلدا قۇيدون گۆزونو بىر قارا قاش گۆز، گۆزلىن  
گل اۇنون حسرتىنين دردينه چاره ائلهسن  
بۇ آبي گونبىدين آلتىندا بىزە گىچىدي يامان  
گۆزلە بۇ گونبىدين آلتىندا دا گىچمە مىلە سن  
فېكرى قىسا قافاسى بۇش، گۆزو داردان نە چىخار  
اۇمو كۇس ائىلمە بۇ قومودان ائتمە گىلەسن  
بىر قىران اۇوجونا قۇي دۆن بىلەين كس  
بئلە قىر... ماز آدامدان نە اۇمورسان هلە سن؟  
بئىنى اۇوهام ايلە دۇلموش، قانى جەھىلە آخان  
اۆزلىن بىرلەرە سورتىلرى گۆرسن گۆلەسن  
آدام اۇلماق يىرىنە بۇردا بىر عدە ايت اۇلور  
سورونور يىردە عافىلدىر كى آغا من ايتىوهم  
دئمىرم بۇ تازا عشقىن كلكىن سن بىلەسن

## بیر پاییز خاطرەسی

گۈنش بۇلوتدادیر، آخشاما یاخین

پاییزین قودرتە، چاتان چاغیدیر

سالیدیر آیاقدان، گۈللو یای یازی

گۈللری گۈزۈندن آتان چاغیدیر

هاوانین اورگی، یتیم اۇشاق تەك

غوصەدن دۇلۇخوب، یامان آغلايیر

داغلارین باشینی، بۇرویوبدو چن

دۇمان اۇخشایاندا، بۇران آغلايیر

کدرلی بیر گۈندور، تۇتقون بیر هاوا

یاغیشدا باشلايیب، شیدیرقی یاغیر

بۇلۇدلار سۇروسون، سۇروب ياناغا  
طبيعت اللري، سۇتلىرىن، ساغىر

بايىز گۈنلىرىدىر، زۇمارىن فصلى  
چىخمىشام گۇزارا، بىر آز شئى آلام  
اۋز محللەمىزدە، تاپا بىلمەدەيم  
يۇلومو اىستەدەيم، گجىلە سالام

ساعات قاباغىندا، تاكسىا مىنىب  
دئدىم باغ قاباغى، آپارىب سالىدى  
اوردك، قاز يئرىشىن يئرىن زامان  
بىر تومن يئرىنە، اون تومن آلدى

چترىمى آچاركن، دوزەلدەيم يۇلا  
غوصەلى باخىردەيم، مىلت باغىنا  
گئچن خاطرەلر، تىكىلدى گۆزە  
آپاردى غم خىر، اورك داغىنا

گاه بېر آز يئريب، بېر آزا دوردوم  
نظردن گنجيرتدېم، جوانلىق چاغين  
حالېمي دۇيارلار، او كېمسەلر كې  
گوروبلر قوجامان، گولۇستان باغين

گولۇستان باغينين، پوزولموش، حالې  
آعاجلار سارالېب، گوللرې سولموش  
هر يئره باخېرسان، خزەلدى چور چوب  
سو آخان آرخلارا، خزەلر دولموش

دامجې، دامجې ياغېش، اتكلرېندن  
سارې يارپاقلارېن دامېردې يئره  
گاھانداندا سوروشوب، ياخېنلاشېردې  
قترەلر اېستەبېر ال الە وئره

كېم سالېب داماقدان، گنجك بو سوزدن

آچمايق اوستونو، اورتولو قالسن  
پاييزدا، ساريم تيل بايراقين آچيب  
سۇرودون اۇخوسون، مارشيني چالسين

## خۇش اۇلسون حالينا

خۇش اۇلسون حالينا

اۇ بىر قۇشون كى

قفسى گۆرمە يىب اۆتە ھوسدن

اۇنداندا گۆزلىدىر اۇ قۇشون حالى

دوشموشسە قفسە، اۇچا قفسدن

زمانە سىندىرا قۇل، قانادىنى

قفسىن قاپىسىن قۇيالار اچىق

اچىق سا، يا باغلى، داھا نە فرقى

اۇ قۇش كى قفسدە، دۈشە نغسدن.

## ايكي كلك، ايكي ملك

ايكي ملك گۆزل كلك قۇربلار  
بو كلكين داليسيندا دۇربلار  
فیرتانالار سووۇب، عۆمور یۇربلار  
ايكي سیده خیدمت ائدير ديلينه  
بئللريني، باغلايب اوڭ، ائلينه  
چالیشیرلار غزئته سوڭ یازیلسین  
اۇراجاق كي مومکوندو، دوز یازیلسین  
فارسجا نمک، تورکوجه دۇڭ یازیلسین  
قاریشماسین نمک دۇڭا، یخ بۇڭا  
خربزه ده اوڭ یئرینده، قاریپزا  
اورکلر بیر، ديلکلر بیر، ائلده بیر  
ایستکلر بیر، سوڭلرده بیر، ديلده بیر

آرزۇلار بېر، آمكلىر بېر، فعلدە بېر  
بۇ يۇخونو آيري يئره يۇرماين  
تعبيريني يابانجيدان، سۇرماين

من بۇ ايشە مات قالميشام  
ياريم مني نظرينه آلمايير  
آما بۇ يار دايم منيم گۆزومده  
دينديرمه بېر، دانيشديرمير سايمايير  
بۇنلا بئله سۆزو منيم سۆزومده  
من بۇ ياري بس نه اوچون سئويم  
مات قالميشام من بۇ ايشە اوّزومده  
يالانينا عۆمور بۇيو، دۆزموشم  
جانا گليب اليمدن بۇ دۆزومده



ايندي منه سيز سۆيلهيين، نئيلهيم  
دۆزمه‌لیم یا الیمی اۆزومه؟!  
قیسیب دیشی ایچریمه‌ده ساخلایم؟  
یا بۇراخیم آستا - آستا سۆزومه  
ساخلاسامدا، بۇشلاسامدا گئچیب ایش  
گئچمیشلره گرك دۇداق، بۇزومه

خاطیره‌لر سیلینمه‌سین یادیزدان  
پاییز عۆمرون باشا وئریب بیتیردی  
قیش اۆزونو هن - هۇن دئییه یئتیردی  
بیری تاپدی بیریده وار ایتیردی  
هامی بیلیر فلسفه‌سین، نجه‌سین

ياددان چىخارتمايىن، چىللە گىجەسىن

ان اولدە قارىپز ياددان چىخماسىن  
بىر دىلىمدن چۇخ اۇشاقلار تىخماسىن  
سحرە دك راحت ياتىب يۇخلاسىن  
صوبحه قدر ايچرىسىن بۇرماسىن  
آزي اۇن يۇلا هئي آياغا دۇرماسىن

چىخارتمايىن قۇنشولاري يادىزدان  
دادىزدىرىن اۇنلارادا، دادىزدان  
خاطه لر سىلنىمەسىن يادىزدان  
اۇ گىجەنى بىر بىرىزي شاد ائدىن  
گلن گونلر اۇ گىجەدن ياد ائدىن

## قوام نامہ

### شئیطان اویونو

یئردہ آچیلان فرش دہییل دام بالدير  
ایندي سپه جك بیر بیرینه دانه بۇ یئردہ  
اؤلماز نه رفاقت نه صداقت بۇ قوامدا  
چون هاممي گزير محور تومانه بۇ یئردہ  
چوخ نوع قوام وار ائديرم نقل بیریندن  
ائتمز لر اوغول، رحم پریشانه بۇ یئردہ  
اول گتيريب فرشي آچارلار، دوزولر لر  
سالالار نظر، قاليا رندانده بۇ یئردہ  
هر کس کي آليب قاليني اول بئله سويلر  
وار مایه سي منده بيلين آلانه بۇ یئردہ  
دوره دوزلوب آچديلا چون نوطقي و بياني  
گل باخ گوزلیم بازي شئیطانه بۇ یئردہ  
ناگه او طرفدن بيري سويلر کي قازانسین  
اول آرايا بير قيران عونوانه بۇ یئردہ  
القسه بۇ نحويله گنچرکن نئچه ساعت

از بسكي وۇرار بىر بىرىنە سندن آشىردىم  
بۇ دفعە اۆزون بىل الە فىكرانە بۇ يئردە  
سۇندان دئمە كى مندە نىيە قويدون عزيزىم  
دۆندو گونوزوم چوڭ شىب ظلمانە بۇ يئردە  
قىزدىردىلار ناگاہ گۆرەسن قويدولا بىردن  
آلوار قالسىن قالى سئىسانە بۇ يئردە  
بۇ نۆع قوامە بالاسى، قۇيما دئىرلر  
آچ گۆزلىروي ائت گىلە دۆرددانه بۇ يئردە  
واي اۇندادىكى سنده بۇ ثابتدى دئسىنلر  
يۇل يۇخدو چىخىب قاچماغا بىر يانە بۇ يئردە  
آللاه سنے خئىرىن وئره بىز خئىرىنى وئردىك  
دۇستوم اورگىن باتميا چۇخ قانە بۇ يئردە  
اۆل قالىنى وئر تۇزا قۇي رنگى آچىلسىن  
وئر پرداغا قۇي قالى گلە جانە بۇ يئردە  
آرشىندا سنے يوز تومنى دوز دۇرودان وار  
وئر منفعتىن بىر تازا بىكانە بۇ يئردە  
بىر بىر هرەسى آلدى قوامىن يۇلا دوشموش

ائيلر گولوم عاقيلي، ديوانه بۇ يئردە  
آهسته دۇروب هاممي اكيلىدى قالى قالىدى  
دوورونده گزر صاحىبي مستانه بۇ يئردە  
قالبينده دئير كاشكى چيخئيديم بير آز آزدا  
آخر گتيريب چوخ طمعيم جانه بۇ يئردە  
ايندى چاغيرديم گلسين ابولفضل يئره باتميش  
يا يوللاييم او جعفر نالانه بۇ يئردە  
هر هانسى سى گلەجك دئيهجك آرشينا يوز وئر  
نئليم نه انديم قالميشام حئيرانه بۇ يئردە  
اوللم گندهرم ياخشى يامان منده سيز ايله  
بيزدن سورا بۇ سوز قالار افسانه بۇ يئردە  
يالقيز نه قدر وصف قوامى دئسن آزدير  
دولدر قوامين شرحيني ديوانه بۇ يئردە

## يارامي اوزوم باغلاديم

يازديم دوشونجه درديني ديوانه باغلاديم

ديوانيمي اوركده يانا - يانا باغلاديم

آغلاتماديم بيرينده، اوزوم چوخلو آغلاديم

ايتديم روانه گوز ياشين عومانه باغلاديم

ائل دردي قويمادي، من اوعول غوصه سي ائدم

گيزلينده آغلاديم، اورگي قانه باغلاديم

آزغين گلن او قوش كيمي يم دوشموشم بوشا

ويرانه ليكده بير اوتري لانه باغلاديم

اوخشار منيم بو آلنيمين يازيسي، عرصه دن توبا

بۇ رۇزگار الينده كي چوگانه باغلاديم  
يئردن اوزولموشم، ياشيرام گوئي هاواسينا  
وصل نىگاره جاتماغي كيهانه باغلاديم  
داغ باسدیلار بۇ بۆينوما باش اگمه ديم خانا  
داغلي سۆكوتولا يولومو، خانه باغلاديم  
اصولو، كوهنه دېي، قورد يئميش دني  
من گويلومو گوزه للره وئرديم گوزه لليگه  
ايلقاريمي محبته، اينسانه باغلاديم  
«يالقيز» اوزوم يارامي آچيب درمان ائيله ديم  
دۆزدوم عذابه، آغرييا مردانه باغلاديم  
بهجت آباد خاطيره سي

### تضمين

عاشيق اولالي، گۆزله ميشم، نازلي نىگاري  
بۇ گۆزله ييب آختارمادا عومرومده قوتاري  
هيجران غمي ائتميش بۇ ساياراق رنگيمي ساري  
«اۇلدوز ساياراق گۆزله ميشم هر گئجه ياري»  
«گئز گلمه ده دير يار، يئنه اولموش گئجه ياري»

وار نه اشارانتي، نه هنيرتي، نه دير بير كس  
گل - گنت كسيليب صوبحه ياخين، دۇرموشام از بس  
حئيراندي خيالىم سۇ اوزونده ائله بيل خس  
«گۆز لر آسيلي يۇخ نه قارالتي، نه ده بير سس»  
«باتميش قۇلاغيم گۆر نه دۆشورمكده دي داري»

يۇرغون، يارالي قۇش دوشه آزغين، نه كيريلدر!  
دديكجه سازاق دا، ياراسي ائيله گيزيلدر  
بو دمده مسيحا نفسي گلسه، ديريلدر  
«بير قۇش آيغام، سويله رك گاهدان اييلدر»  
«گاهدان اونودا يئل دئيه لايلاي هۇش آپاري»

بير دردي اوركلرده تك آلاهدى بيلر كن  
بيرده بيلر اشكيه او كي ايسلادا دامن  
يۇخدور بۇ سكوتدا اولاي بير يئر منه مامن  
«ياتميش هامى بير آلايه اويقادير داها بير من»



«مندن آشاغي كيمسه يۇخ اونداندا يۇخاري»

ياتميش قارا بختيم نگرانم، آچيلا صوبح  
يۇرغون هله ياتماقدا فلقدن قاچيلا صوبح  
اوخ تڭ اتىليب باغريما بيردن ساچيلا صوبح  
«قورخوم بۇدور يار گلهميه، بيردن آچيلا صوبح»  
«باغريم يارييلار، صوبحوم آچيلما سني تاري»

آي خسته كۆنول تئز سحر اولماقدا داربخما  
سنده سحر عشقينده ديل زاريمي، سيخما  
بۇ حالدا آخاركن مني بخت اولدوز بيخما  
«دان اولدوزو ايستر چيخا، گۆز يالواري، چيخما»  
«اۇ چيخماسادا، اولدوزومون يۇخدو چيخاري»

كئچميش گئجه ياري، دمه - دمدير، بۇزارار صوبح  
ايندي سوگولر، دان يئري، بيردن قيزارار صوبح  
بۇ غناق گئجهني، سالميش آياقدان آپارار صوبح

«گلمز تانيرام بختيمي، ايندي آغارار صوبح»  
«قاش بئيله آغارديقجا داها باشدا آغاري»

جانان اوره يينده، كي صفا اولمياجاغميش  
عشق اهلينه جز جور و صفا اولمياجاغميش  
بیر عۆمر يانارکنده، رها اولماياجاغميش  
«عشقين كي قراريندا وفا اولمياجاغميش»  
«بيلمم كي طبيعت نيه قويموش بۇ قراري»

فيكريمده دريب، دوزمه لريم ترسه تۇخولدو  
دان اولدوز چيخدي، گنجه آهسته يۇخ اولدو  
صوبحون او گوزل آل شفقي قانلي اوخ اولدو  
«سانكي خورزون سون باني خنجردي سوخولدو»  
«سينه مده اورك وارسا كسيب قيردي داماري»

دورما دهاگنت بسدير اوزون بير بئله يورما  
حسرتله دوروب بوينونو ساغدان - سولا، بورما

بیر بئیلە سیخیشدیرما، اورک قانینی سورما  
«ریشخندیلە قیرجاندی سحر سۆیلەدی دۇرما»  
«جان قورخوسو وار عشقین، اودوزدون بو قوماری»

دوشدوم آرالی نازلی یاریمدان، همی ائلدن  
بو گۆزلەیب - آختارمادا دوشدوم، داها دبلدن  
کنچدی نه یامان آیلاریم آیدان، ایلیم ایلدن  
«اۆلدوم قره گون آیریلالی، او ساری تئلدن»  
«بۇنجا قره گونلردی ائدن رنگیمی ساری»

صئید ائتمهیه زولفییه ازل دام یارالدیب  
سالمیش تورا آهسته چکیب بیغدی، دارالدیب  
خوش گونلریمی، یار منیم حسرتله قارالدیب  
«از بس منی یارپاق کیمی هیجرانلار سارالدیب»  
«باخسان اوژونه، سانکی قیزیل گولدی قیزاری»

بیللم نییه غم، غوصه ازلدن منی خوشلار

گۆرچك مني هر كيمسه ده اولسا، اُونو بۇشلار  
خۇشلار نئجه آختارمادا گۆرچك دني قۇشلار؟  
«گۆز ياشلاري هر يئردن آخارسا مني تۇشلار»  
«درياهه باخار، بللي دي، چايلارين آخاري»

گۆرچك اۇ ساري تئلره، جان رسته سي هۆردوم  
باشدان داها جان قئيديني آتديم، اُونو گۆردوم  
دوشدوم اُونون آردينجا، شيرين عۆمرومو سۆردوم  
«محراب شفقه اوزومو سجده ده گۆردوم»  
«قان ايچره غميم يۇخ، اوزوم اولسون سنه ساري»

هيجرانيله عۆمروم بوتونو، اولدو، كئچك لي  
سۆزلرده اوركلرده، چۇخو قالدې لچك لي  
عۆمرو غميله، «يالقيز» ين اولدو، كۆچه جك لي  
«عشقي واريدي «شهريار» ين گوللو، چيچكلي»  
«افسۇس قضا وۇردې، خزان اولدو باهاري»

## گل ...

ایلر بویو من یوللاریوی گۆزله میشم گل  
سال میس یولووا بۆلدوزری، اۆزله میشم گل  
دیک - چوققورو قالدیر میشم آنجاق کی یول اوستن  
غلطکله گریدر سالیبن دۆزله میشم گل  
اوج آی او سوبوق قارلی، قیرۆولی قیشی سوودوق  
بیر - بیر سایالی گۆنلریوی، یوزله میشم گل  
تنبل، چولاق ائشک کیمی گۆنلر یئرمیردی  
هئی تاپدالایب اۇناسینا بیزله میشم گل  
گل، گل سنه قۇربان کی آغیر گۆندو، بۇ گۆنلر  
بیلیرسن آخی من نجه سن سیزله میشم گل

سۆزلر چكىلىبىدىر شىيشە حاضىردى كىباب تىك  
دايىردى اوجاق اودلارنى كۆزلەمىشم گل  
آتلر پوكالىب آغزىوا قۇي چىننمەمىش اۇد  
ازبىسكى ياتىردىب سۇغانا دۇلامىشام گل  
بۇ شىرى «كىمالى» بىلە ھىدىتلە يازىردى:  
«گل، گل دىئەلى يۇللارىوى كۆزلەمىشم گل»  
آغلىردى يازاندا مەنە ملىسىدە اۇخوردۇ  
ھالىن دەپىشىب، گۆلدوروبىن سۆزلەمىشم گل  
«يالقىز» چىئورىب ملىبى چكىدى سۆزۇ مىرتا  
آنچاق دىدى گل يۇللارىوى اىزلەمىشم گل

## فلکين قۇرقوسو

بۇ نە قۇرقودوكي قۇردون آي فلک  
قۇواندا چاغيرير قاچاندا سني  
بۇ قۇودو قاچديدا ايشلره دوگون  
سالاندا چاغيرير آچاندا سني  
آختارير قۇش كيمي هره اوز دني  
قۇناندا چاغيرير اۇچاندا سني  
سۇخولوب ميپباغا گيزليجه تيخان  
بيشيكده چاغيرير سيچاندا سني  
خلقي بير - بيرينين جانينا سالدين  
وۇراندا چاغيرير... دا سني  
سن كي يالقيز ائله آرخالانيرسان  
«گئجه»ده چاغيرير «قۇچان»دا سني

## يالقيز سالما جيغان ويغان

قيد جامين ويرديم داشا، يورقاني چكميزم باشا  
قات - قاريشيق زمانهده، فيجه لرم گلسم هوشا  
ايسته ميرم منده قانيم، ياخشي - پيسي باشدان باشا  
حق سوز دئين بو دورهده، قالار سفيل و سرگردان  
اييلماغا يوخ خيالم، يالقيز سالما جيغان ويغان

بیر يئرده كي مظلوم اوزو، راضي اولما ظالم مینه  
پيس - ياخشيني درك ائتمه يه، اوز باشيني سوخاينه  
راحاتليغي ايستمه يه، نه اوزونه، نه بيرينه  
سن اوزونو جيرماقليه، قانماز دونوب اولماز قانان  
اييلماغا يوخ خيالم، يالقيز سالما جيغان ويغان



بۇ قارىشىق زىمانەدە، باخ يۇخدو نىزلارلا  
ذلت قانانلارن كى دى، كئف يئتىشىب قانمازلارلا  
آينا - داراقي وئردىلر كئچلر ايله دازلارلا  
سۇموك آتىن قاباقىنە، وئربىلر ايتلرە سامان  
آيىلماغا يۇخ خىالىم، يالقىز سالما جىغان ويغان

زمان بۇيو گلب گندىب ايرشاد اوچون نچە سرۇر  
كئچمىشده تانرى گوندهرىب يوزايرمى دوردمىن پىغمبر  
چالىشىدىلار دوزلمەدى اوژون اشرف بىلن بشر  
چۇخلو نصىحت ائتىدىلر اولار بۇ يۇلدا قۇيدو جان  
آيىلماغا يۇخ خىالىم، يالقىز سالما جىغان ويغان

دۇققوزبوز ايل مدتىنده، قىرخى كىشى، قىرخى آرواد  
نۇج پىغمبر گنجه - گوندوز، زحمتيله ائتىدى ايرشاد  
بۇ يئتمىش ايل لىك عومروده، نه قدر من چكىم فرىاد  
دئيب - دئيب اولوم دللى، قارقايا سويله بيم طرلان

آييلماغا يۇخ خياليم، يالقيز سالما جيغان ويغان

لوطف ائله ييب اۇلو تانري، گويدن يئرە گله اوزو

گورە بۇ كال بئيين لره مصلح لرين گيرمير سوزو

بیر بئله زيرت - پيرتिला مين دبيري يۇخدور دوزو

اؤلوب ديني، ايماني پۇل، مارك و دولاريله تۇمان

آييلماغا يۇخ خياليم، يالقيز سالما جيغان ويغان

بیر مثل وار دبئيلر كي، هاچان چبخار تك الدن سس

پاقلارين يولوندا من، هاراي ساليم تۇتسون عسس؟

سن قهوه لرده وئله نيب، منيم يئریم اولسون قفس؟

من كئچيم جانلي قازيغا، سن داليمجا سويله داستان؟

آييلماغا يۇخ خياليم، يالقيز سالما جيغان ويغان

فايداسي يۇخ چيغيرماغين خالق گندير دوزا بالا

علم و هنر ياددان چيخيب گندير تۇپا، بالا، بالا

چوخونو شۇتله بیر تيره، گاهدان بيرين باسير قولا

ياتماق بۇ گۆن قازاشلى دىر، آيىقلىقىدا واردىر زيان  
آيىلماغا يۇخ خياليم، يالقيز سالما جيغان ويغان

بۇش يئرینه زۇغال چالما، باشون قۇيلا يۇرقانيوا  
راحات ياتماق ايستەيىرسن، تۇسباغا تىك گىر قينيوا  
ائله بىر سۆز سۆيلىمە كى شاه بگىم دوشسون جانيوا  
نازلا بىر آز سەندە اونو، «نچار اوغلو» سەنە قۇربان  
آيىلماغا يۇخ خياليم، يالقيز سالما جيغان ويغان

## قۇردون ايشي قالير قيامته؟

بیر حیکایندی شیرین شرح اندیرم من بیلنه  
بیلیرم خۇش گلهجك، آغلايانا هم گوله نه  
تولكو بیر گون دولانیردی آجینا چول بایری  
گوردو بیر یترده قویون قویروغو منت یئنه  
چوخ باخیب دیقتیله گوردو قورولموش تله وار  
بۇ یئمك یاخشیدی لاکن منه یوخ، بیلمه ینه  
دندی سردار رشیده بۇ کی زبینه دئیل  
بیر تیکه آتن اوتور چوللری سۇم - سۇم، سۇلنه  
گل گندك بۇردا یاخینلیقدا، عجب یاغلی تیکه  
من دویونجا یئمیشم، سنده یئه کونلون سئونه  
آپاریب وئردی نیشان، گورجك همین قورد یومولوب  
دونیادا ایش بئله دیر، هر بیلنه، بیلمه ینه  
تله شاققیلدادي قویروق آتلیب قورد توتولوب  
الدانار پخمه لر البته فریلاق وئره نه  
قویروغو تولكو یئیر، قورددا زاریلدیر تله ده  
قورد دئیر او، اوژونه باشیما كوللر اله نه

سۆيلىدى: تۆلكو داداش من هاچان آزاد اولارام  
يا منه قالدي آزادلىق داها بيرده اولنه  
ايشلرين عاقىبتين كيم بىلىرى، تۆلكو دئدى:  
قۇرتولوش قالدي عم اوغلو سنه صياد گله نه  
سندە «يالقيز»، نه سۆزون واردى بالا ياز قزئته  
نه ايشين بيلمه يه نيله، ائت اشاره بيله نه

## باشيويين اييين وئرمه!

نه بيلير كيمسه نهدير ديده بلاسي باشينين  
يا نهدير عيبي گۆز اوستونده كمان تك قاشينين  
بیر پارا ناباب اليندن دۇرا كيم شيكوه ائده  
بيلنر اۇندا اۇنون وار نه بلاسي باشينين  
وطن آواره سي اولموش جاني چۆلرده چيخار  
من كيمي چۆل قۇشو اولموشسا بيابان داشينين  
باش آييرسن، ساتيليرسان نئجه بيگانه لره  
فاش ائديرسن اولارا سيرريني قان قارداشينين  
ياخشي يۇلداش آله دوشمز، دوشه نين قدريني بيل  
قيمتي چۆخدو او قارداش كيمي بير يۇلداشينين  
بۇ گۆن ائل شاعيري نين گۆز ياشيني يۇخدو سيلن  
آخان هر قطره سي جان قيمتينه گۆز ياشينين

«باشیوین وئرمه اییین» ائل آرا بیر سوژدو بۇدا  
سنده وئرمه اییینی یاغلی، کچل داز باشینین

### فضولونون غزلیندن استقبال

ائیله مستم جام غمدن، بیلیمیرم دونیا، نه دیر  
سر نه دیر، سامان نه دیر، باشیمدا بۇ سئودا، نه دیر  
سانکی لؤل مستم بیخیلمیش بیر طرفده باش آخیب  
آتمیشام جان قئیدینی باشدان، هله دونیا، نه دیر  
بئیله بیلیمیردیم کی رسوای اولماغین معناسینی  
ایندیکی رسوای عشقم، دؤیموشام معنا، نه دیر  
دوشمه سن مئیدان مغناطیس عشقه، قیس تک  
هاردان آنلارسان طیفیل، سن جذبه ی لایلا، نه دیر

وامقین داستان عشقین بیلمه سن باشندان باشا  
 دؤیماسان عشقین گوجون کي، قودرت عذرا، نه دیر  
 ائتمه سن مؤسا کیمی فرعونا عصیان، حق اوچون  
 دوشمه سن داغ - داشلارا درک ائتمه سن صحرا نه دیر  
 او نظر ارنی سئویله مه، تالن ترانی، سس گله  
 لاله یی درک ائده نلر، آنلایار، الآ، نه دیر  
 قالماسان مؤسا کیمی «یالقیز» او چۆلده، بیلمه سن  
 وادی ایمن هارا یا جلوه یی سینا، نه دیر  
 سندن آلدیم ای «فضولی» شعریمین الهامینی  
 «ائيله مست جام عشقم، بیلیمیرم، صهبا، نه دیر»

### صابر سایاق، معجزواری

قورخوم بۇدور، اینسانلیغی گۆزدن سالارکن خوار ائدم  
 باغدان قووام بولبوللری، گول هم نشینین خار ائدم  
 تازه سوزوم یۇخدور دئیهم، گویلومده، ایستیر زور دئیهم  
 شیرینه قانماز، شور دئیهم، حالین بو خلقین زار ائدم



تڪجه ايشيم اولسون شوعار، ذره شووروم اولماسين  
 قارقا تڪين قاره گنيب، هئي هاي ساليب قارقار اندم  
 جاهيل كيمي هر يئرده من، بير بوروم اوسته سوگه نيب  
 مين يول دئيلميش سوزلري، طوطي تڪين تڪرار اندم  
 سانكي دوه ياتديق يئري، كفلنميش آغزيم، ايشله يه  
 ساغدان، سولا، سولدان ساغا، هئي كوشه ييب نوشخوار اندم  
 بير عده دار گوزلر كيمي منده بو خلقه خور باخام  
 قانين بو خلقين شيشه يه توتوموش گونون زينهار اندم  
 هامى گركدير من كيمي فيكىر ائتمه سه، تنگيشديريب آزار اندم  
 دورد بير طرفدن زور گلديب، خلقي سيخام چيخسين سويو  
 بو نوعيله گن دنياني، خلقين گوزونده دار اندم  
 آلاهي علمين، قدرتين اوجسوز بوجاقسيز خلقتين  
 علمي كوكوندن من دانيب، حقي بوتون اينكار اندم  
 دورسام پریشانليقلاري، شرح ائتمه يه گلمز باشا  
 حال اولسادا يوخ فورصتيم بو سوزلري طومار اندم  
 منده بو گون بير شاعيرم، «يالقيز» وظيفه مدير گرك  
 «صابر» ساياق «معجز» واري ياتميشلاري بيدار اندم

## قاچيرام اينسان آيندن

اۆلۈموشام ديوانه عشقيندن نىگاريم، آن منى  
عشقىدە جانداڭ كئچن عاشىقلرىندىن سان منى  
امتحان ائت بىر كرە، جانا سىناقداڭ چىخماسام  
داشىمى بىر يۇللوڭ آت، دۆن اصل - كۆكدن دان منى  
قاچمىشام ديوان ايندىن چۆللردە ديوانە تىك  
اۆلمەسمدە اۆلدورر، آخىردە بۇ ديوان منى  
چۆڭ گىلايەم يۇخدو شىيطانداڭ منى آلداتماڭدا  
هئىچ زماڭ آلداتمايىبىدىر، سىز كىمى تىك شىيطان منى  
قۇرخان اۆلسە گۆندە مېن يۇل، قۇرخمايان بىر يۇل اۆلر  
من اۆلۈمدن قۇرخمورام، هئى قۇرخودور قۇرخان منى  
قاچمىشام اينسان ايندىن ياوارام حىوانە من  
تا كى اينسانىن ايندىن آلسىن اۇ حىوان منى  
اۆلسا اينسانلىق بىلە، اينسانداڭ حىوان ياخشىدىر  
گۆندە مېن رنڭە بۇيانسام، سانمايىن اينسان منى  
فىجەلردىم اۆلماسايدى گر مۇكافاتِ عمل

بۇ سۆزە وار اعتقادىم، ساخلايب ايمان منى  
آرزۇسون قويدوم گوزونده، نفسىمى اولدورموشم  
اولموشام رسواي عالم، چون توتوبدور قان منى  
يا آپاررام ائللري چاتديررام آخير حقينه  
يا ائدرلر حق يولوندا ائللره قوربان منى  
وار اوميدىم وصلينه بير گون چاتام «بالقىز» يارين  
يار دئييب اوز باغرينا جان تك باسا، جانان منى

## باخيش وار باخيش!!

قورخولو قانلي غيضيلى بير جوت او گوزكي سنده وار  
بيرجه ايشاره ائيله جك، مينلري قان، توكنده وار  
باخاغي ايري كيمسه يه، قالدي اونون كي، آلاها  
چيخسين او گوزلرين سنين، او نه باخيشدي سنده وار  
رحمه نه گلدي بوشلايب، توتدون عداوتين يولون  
يوخدور اصلتين سنين، نيفرت اودور سيننده وار  
بيرجه اووج، كي دن يئره، سپجه بين قوشلار ايلنير  
رام اولورو، او وحشي قوش، سري نهدير كي دنده وار  
چوخلو عقيق، دور وار، كاسدي، كدرليدير، ولي  
صاف، دامارسيز ايسته سن، بئيله عقيق يمنده وار  
سن صباح اعتباريني گوزله بو گون، كي كورلما  
آبرو ايسته سن صباح آختار آرا دوننده وار  
اوندان آدامليق اونمايين، مكتبي كي يئل ايسمدير  
هر جوره يالتاق اوز دئسن، هر يئليله دوننده وار

بیر عۆمور آغلادییدیلار، گۆلمه یه قویمایبیدیلار  
قالدی بیزه گۆلومسه مه، مرثیه خان اولنده وار  
عقل ائنده پای - پۇلوش، دوشدو یامان قاپۇش قوپوش  
بعضی سی قاپدی چۇخلوسون، چۇخ بیلن، آز بیلنده وار  
بیر دانا، قور آتیلجاغین، «یالقیز» آلیرسان اۇد، نه دن؟!  
پوهره لی وولقان ائیلیسن، سئویله نلر، سینهنده وار

### **پۇلسوز کیشی**

پۇلسوز کیشی نین توانی اولماز  
بیر سۆز دئمیه زبانی اولماز  
دوینا دۇلوسو، صداقت اولسا  
اینسان یئرینه، سانانی اولماز  
پۇلدار آدامین بدنده قانی  
پۇلسوز آدامیندا قانی اولماز  
بیگانه سایارلار، اقربالر

مجليسده اُونون مكاني اولماز  
گۆزنده دوشر سالارلار الدن  
الدن يازيغين تۇتاني اولماز  
يۇردوندا ياشار، غريبه لر تك  
يۇردو، يوا، آشياني اولماز  
آرواددا اۇشاقدا يان گزرل  
آلاهدان اۆتور ساياني اولماز  
بئش گۆن مريض اولسا خسته ياتسا  
بيچاره نين هئچ باخاني اولماز  
گۆل تك سارالار، سۇسوزلوقوندان  
بولبول كيمني نغمه خاني اولماز  
باغدا قۇروموش آغاچا اۇخشار هئچ كيمنه يه سايه باني اولماز  
لاكن وار اولسا، گل قۇلاق وئر  
گۆرماقا گلر قالاني اولماز  
گرچه اُونون اولمايا، كمالي  
لاكت سۆزونون يالاني اولماز  
محكومدو بۇ دونيادا عذابه

هر كس كي اونون قراني اولماز  
قانون طبيعت حكم حقه  
يوخسا بنله بير تباني اولماز! ؟  
هر يئرده كي روشوه سالدې ريشه  
عدلين داليدا دوراني اولماز  
روشوه قاپودان كي واريد اولدو  
حق ناطيقنين بياني اولماز  
تئز پنجره دن قاچار عدالت  
آردينجا قاچيب توتاني اولماز  
«يالقيز» سوزو دادلي دوزلو ياز آز  
اولسا آجي سوز، آلاني اولماز

### دوغرو عاشيق

اوركدن عاشيق اولان، فيكر ننگ و عار ائتمز  
مدام او يار دئيه، ذكر غير يار، ائتمز  
يانار فراق اودونا، شيكوه ائيله مز ياردان

نه اينجىكر، نه بئزر، غمدن آه و زار ائتمز  
 ويصاله چاتماق اوچون، آختارا يولون وصلين  
 ويصاله چاتماسادا، فيكر انتحار، ائتمز  
 قوپار اوڭ عاشيقينه، بير قاچاق يولو معشوق  
 تمام بت برهني باغلاييب، حيصار ائتمز  
 سني صبا، منيده گوز ياشيم، لووا وئردى  
 كي سئوگي، سئوگي سيني سيري ن اشكار ائتمز  
 او ناشي اووچو مني، اوولايب كيچيك ليكده  
 كي ماهير اووچو اولان كورپه ني شيكار ائتمز  
 يقين علاج سيز آشار، اوڭگه نين دوواريندان  
 كي چاره سيز بير آدام خوف حبس و دار ائتمز  
 دئيرلر داردا قالان، چاره سيز كئچر جاندان  
 كي جانه دويموش آدام، هر نه ائتسه عار ائتمز  
 رقيب چكسه حيصار، يئندى موهره لي ديوار  
 كمند آتيب آشارام، دام دوواردا كار ائتمز  
 او يار كي من تانيرام، ساليب بو عشق اودونا  
 كول ائتمه بينجه مني، اوڭگه ايختيار ائتمز



سۇراخلاشىدىي گىلر آختارار تاپار «يالقيز»  
كولون سپر باشينا، چۇخدا شرمسار ائتمز

### عبرت

پاييزدا سۇلوب، اولسا پۇمرده طبيعت  
عارف بو طبيعتدن آلار بۇللوجا عبرت  
عارفده اودور اولمازميش ذرّه منيت  
اي كاش بشر بير دوشونوب عقله دۇلايدي  
مينده بيريسي، چۇخ دئميرم عرف اولايدي

ياز فصلي يئنه جان تاپاجاقدير بو طبيعت  
هر يئرده اوزون گوستره جك شانلي حقيقت  
دۇنيا اولاجاق عالم امكانيدا جنت  
هر بير گويرنتي گوله آنجاج دۇلاجاقدير  
اوز سئوديگي تك گوللر آچيب شاد اولاجاقدير

گول آچمادي اينسانليغين افسرده باغيندا  
گورسون اوزونون گول اوزونو، شانلي چاغيندا  
سولد. ساراليب ياندي قاليب گول بوداغيندا  
بو اولكده اينسانليق هاچان گول آچاقادير  
آزادليق، عدالت دوشونه گول ساچاقادير

### حبیبیم

منه لوطف اوزيله باخسان، نه اولار سنه حبیبیم  
كي گوزل باخیشلاريندان منیم اولمايیب نصیبیم  
اگر عومرومون سونوندا اولايير کره، نصیبیم  
هامي دردیمه دوادير، باخیشین گوزل حبیبیم  
مني فرقتین سالیبدير ائله درده یوخ علاجی  
دئمیرم مگر كي وصلین منی تۇخدادا، طبیبیم  
گئجه لر قاپیندا دۇررام، صوبح اولونجا یاتمارام من  
كي دینچیلیک آدیله، گله بیلمه سین، رقیبیم

نە ئندىم كى «يالقيز»ام من دۆزەرم يۇخودو چاره  
بۇ جفالرين حسابين، آلاجاق دقيق حسييم

### **يۇرقون عاشيق**

اۇزاقدان گل미شدي يۇرقون بير عاشيق  
سۆزونو سازيله دئدي، آغلادي:  
بارين قاپۇسونو چالديم آجمادي.  
اۇ دئييب آغلادي، اورك داغلادي  
آچدي پنجره ني قونشوسو، دئدي:  
گندييلر سفره دوندو، باغلادي.

### **اوترى بير باخيش**

آچيرام تاريخي باشدان اۇخورام  
كى نەلر باشينا گلميش بشرين

جۇمورام فيكره دىندن اۇيورام  
اۇخورام خئير عملين شر اثرين

ايزليرم سئيريني آدم بابادان  
اوز وئريب دۇنيادا چۇخ واقعهلر  
يازيلان تاريخه باشدان باشا باخ  
قتل و غارتدي آجي فاجيعهلر

آزاراق يئرده تبسۆم گۆرونور  
اودا بۇ دۆزسوز حياتين دۆزودور  
يۇخسا باشدان باشاسي غمدي كدر  
بۇ حياتين لاپ او خاليص اوزودور

بىر به بىر شرح و بيان ائتسم اۇنو  
چۇخ مفصلدي حيكايه چۇخ اۇلار  
منده تىكرار ائلهسم بىرده اۇنو  
تاريخين تىكراري بىر تاريخ اۇلار

نە زوھاکلار كى ايلاه، چىنىندە  
آدى اولموش آدام حىوانلىق ائدىب  
دىرى قالماقدان اوتور گونده وئرب  
ايكى نورسته نى قوربانلىق ائدىب

نە فرعونلار تاپىلىب، دونياده  
ظولموله، حوكم سوروب، شاهلىق ائدىب  
اوزو اولموش بشر اوز عصرينده  
مظلوم اينسانلارا آلاهلىق ائدىب

سىنما پرده سى تىك، صحنه لرى  
سورعتيله نظرىمدن، سووشور  
اوخودوقچا، او آغىر فىتنه لرى  
گوره گىن اورتاسى ضربدن قووشور

ظولم اولوب حدسىز، حسابسىز بشره

ايندى اوندان چۇخ اولور سۆز يۇخدور  
سۆز ولي بۇردادىكى ايندى يەدك  
دوز چۇخ آزدير ائله بيل دوز يۇخدور

چاتيرام سورعتيله، عصرىمىزه  
عصر اينترنته، قرن آتۇما  
بۇ تمدونله، بۇ علميله يئنه  
زۇر دئىنلر، ال آتيرلار باتۇما

يئنه بير عيده اودوخموش اوژ تك  
ايسته بير دونيانى دورد اللى دۇتا  
او كئچنلر بشييريدير، يئتسه ده  
بۇنلار ايستركى بوتون چى - چى اودا

بۇ عدالت بۇ آزادلىق آدىدا  
تله دير، تۇولامادير بير دامدير  
بۇ قدر جهل اۇدونا، يانماغىلا

بیشمه‌ییبیدیر هله اینسان خامدیر  
آز زاماندا نه چوْخ ایشلر گوردوک  
عقله گلمز بلالار گلدي، باشا  
بوتون ایسته کلریمیز اولدو هاوا  
اوخوموز گور نه یامان دَیدی داشا

خلق بیر گون چاتاجاق آرزوسونا  
یئر قووشسا گویه، گویلرده یئر  
عم ایله کشف ائدهجک هر نه کی وار  
چیخاجاق خالق خلقتده بره

آزلیبر، سورتولور حقلر آرادا  
حقه‌ده آرخا دُوران، یالقیزدی  
بُوراجان ساغ کی قالب «یالقیز» دا  
آلاهین ایسته‌گی دیر، معجزدی

## تاپماجا

ال بير اولوب ايكي ملك  
هر بيرنده مين بير كلك  
ويرينيخيرلار، الك فلك  
تاپماجادير، تاپين گورك

گئجه، گوندوز، چاليشيرلار  
فيكريميزه، ساريشيرلار  
هانسي ديلده، دانيشيرلار  
تاپماجادير، تاپين گورك

عومور بويو، سوز يازيرلار  
دايم بيزه، گور قازيرلار  
نه ايتيرلر، نه آزيرلار  
تاپماجادير، تاپين گورك

بيري قره، بير آغدير



بىر درە، بىرى داغدىر  
بىر چۆللۈك، بىرى باغدىر  
تاپماجادىر، تاپىن گۆرك

نە اتلرى، نە قانلارى  
بللى دەيىل، مەكانلارى  
ايشلەيىر ھەي، تۇكانلارى  
تاپماجادىر، تاپىن گۆرك

آيىلىرسا كىم، يۇخودان  
قۇرخودورلار، تىز خوخودان  
بىزى اولاردى، قۇرخودان  
تاپماجادىر، تاپىن گۆرك

اگلە شىبىلر، چىگىنىمىزدە  
يىر اندىيلر، بىنىمىزدە  
دۇلانيرلار، زھنىمىزدە

تاپماجادير، تاپين گورك

كيم اولارا، اينامي وار

ايناديران، كلامي وار

تاپا بيلسه، انعامي وار

### عجائب زامان

علي، سن نه تكجه اينسان، عظمتلي بير جهانسان

او کرانه سيز جهاندان، بيزه بير بويوك نيشانسان

يئر اوزونده يوخدو مثلين، يازا بيلميرم كي وصفين

نه دئيمم كي بيلميرم من، سن عجائب زامانسان

هله سن تانيلمايبيسان، ائله كي تانيلمايدين

سن حقيقت عالميندن، بيزه حجت عيانسان

سن او ماوي صاف، گوي تك دولوسان آي اولدوزيله

كي بو خلقتين گويونده، عظمتلي، كهكشانسان

هله كشف اولونمايبيدير، كي نهلر وار، هيئتينه

کي ايشيقلې بېر گونش تڭ، بولو اېچره سن نهان سان  
او بشرسن حق يولوندا، الين اوزدون هر نه ييندن  
هامييا تعلقون وار، سن امام هر زامان سان  
سني ده بېر عيده جاهيل، زامانيندا تکفير اتدي  
يئکه شئخلرين ايلندن بيليرم کي باغري قان سان  
سني درک انده نمه بيلير عصبي، جيچيکلي شئخلر  
کي ووروبلا مارک توهمت علي دوشمن قرآن سان  
علي داستان عومرون ائله غوصه، غملي داستان سان  
داها بورد ساخلا «يالقيز» غمي باشقا بېر مجاله  
کي بو گون غديرخم دور بيليرم کي شادمان سان

### **بېرين اوزونه، بېرين خلقه**

بېر اليمده قلم بېر الده کاغاذ  
خياليم بويلانير صندلن ميزدن  
ايستيرم بېر آزجا گيلئي ليک ائدم  
آجيغيز گلسه ده اميرزه سيزدن

بۇ نە بېر كلكدېر آي ايكي كلك  
بۇ خلقه قۇرسوز ايكيзде يۇخسوز  
ائللر آج سۇسوزدور سيزين سۆزلره  
سيزده ائل غمىندن يثيب سيز تۇخسوز  
بۇ نە جور يازماق دېر نە تهر دئمك  
گاه نالا وۇرسوز گاهدان دامىخا  
ايسته ديز قزئتي گوللنديره سيز  
گوللنديره نمه ديز !! چكيب سيز...  
بۇ نە جور خوركدير بيشيرديز بيزه  
گاه دۇزو چۇخ اولور گاهدندا دۇرسوز  
اغزيمدا تيكه بويويور قالير  
آتماق دا اولمايير اۇدماقدا سۆرسوز  
چكيلين قيراغا، بۇشلايين ايشي  
قويون كيمي ايش باجاران، ايشيني گۆرسون  
بۇدا بېر يۇخودور «خان آغا» گوروب  
خانين، يۇخوسون، خان گرك يۇرسون

## آيرىلىق اودو

يانىرام آتش فراغىندا

گىزىرم وصلينىن سوراغىندا

نه دئىيم آي اوعول گئدن گوندن

من نه لر چكىشم، فراغىندا

بىر حالا دوشموشم كى دىندىرمه

ياتمىشام دردلىرىن قوجاغىندا

گورمه دىم گول اوزون نه تىز سولدون

گوزلىرىم قالدى گول ياناغىندا

گولشنىم ياز چاغى خزان اولدو

بولبولوم اولدو گول بوداغىندا

گئتمه بىن آي بالا گلىم من ده

بىر دايان آزجا يول فراغىندا

كى گلىم بو يولا اولاق يولداس

آتاوين جان دوروب دوداغىندا

آتش حسرتە يانير كوز تك

كۆل اۆلور، غملىرىن، اۇجاغىندا  
تۆككىب آز قالير كى قۇرتولسون  
عومرونون ياغىدا، چىراغىندا  
بۇ فلک هاممىيا، ايجديره جك  
اۆلومون باده سىن، چاناغىندا

### گۆزلىن هر زادي گۆزلاير

آغلاسا گۆيچك گۆزل آغلار، گۆزل گۆيچك گۆلر  
عقل و تدبير اۇينايان يترده چالار گئىرچك گۆلر  
آلقيش اۆلسون شمع كى جانانه، جان قۇربان اندر  
آغلايان حاليندادا، ناز ائيله ييب گۆيچك گۆلر  
آغلايان يئرلرده آغلا، گۆلمه لي يئرلرده گۆل  
رسميدير تۆي دا قارا تئل اۇينار، آغ بيرچك گۆلر  
بۇ نه دندير بيلميرم ياس مجلسينده سسليرن

آغلایانلار تئز کسر، تار دونه گي گورجك گولر  
«یالقیز»ین آغلار گوزویله بیر گولرلي وار اوزو  
گنتسه هر بیر مجلسه یولداشلاری گورجك گولر

### الله جمیل و یحب الجمال

آي نازلي گوزل تانري كي ناز خلق ائله ییب سن  
بۇ خیلقتي چوخ عالی، تراز، خلق ائله ییب سن  
بیر ذرده یوخ عیبی، او کی واردي گوزلدیر  
دیقتله کوک ائتمکده ده، ساز خلق ائله ییب سن  
پاییزی یاراتماقدا قیامت، قوپاریب سان  
عاريفلره بۇ فصلي، نیاز خلق ائله ییب سن  
قیش فصلي قوي ایستیدادینلا حوگمونو سورسون  
آزادلیق ایله قیشدان سورا یاز خلق ائله ییب سن  
بۇندان گوزل اولمازدي یاراتدین یاراشیقلي  
یازدا نسیمی قیشدا ایاز، خلق ائله ییب سن

هر ديلده سۆزون وار دئمه يه آي گۆزل آلايه  
تور كجه سوغاني، فارسجا پياز خلق ائله ييب سن  
لاكين بشره نوبه چاتاندا، حئييف اولسون  
ديك چوققورا جۇنموش ناتاراز خلق ائله ييب سن  
شئيطانلاري باخ دريا درينلي كده، كل كده  
دوز اينساني چوخ ساده، داياز خلق ائله ييب سن  
عقلين چوخونو دين سيزه وئردين نبيه يارب  
ديندارلارا عقليين پايين آز خلق ائله ييب سن  
قاتدين باشين ايستكلي لرين صوم و صلاته  
مؤمينلره بير بوللو ناماز خلق ائله ييب سن  
صرف ائتديلر عؤمرون ياريسين دستاماز اوستده  
كافرلري آزاد بئناماز خلق ائله ييب سن  
بير عيده ني آي تك اوزو، خرمن كي مي زولفو  
بير عيده ني توكسوز باشي داز خلق ائله ييب سن  
هر اولكه اولور فيتنه يه گاهدان ايكي جانلي  
دايم گۆزل ايراني بوغاز ائله ييب سن  
حيكمت نه دي كي يوخ سؤال حيكمتمدن ايلاهي



ھاردا بۇ يازىق خلقي مجاز خلق ائله ييبسن  
عاشيقلريوين رقيبىن بۇنونو قاز خلق ائله ييبسن  
بىر عىدە سئوير قافىه سىز شعرده سىرست  
من «يالقيز»يدا قافىه ساز خلق ائله ييبسن

### **اولكەمىز آباد، ائللر آزاد ياشاسىن**

ايدن وئردىز منه، بۇ بزم مۇباركده دۇرام  
بيغام ايستكلي لري، باشيما اگلنجه قۇرام  
اورگيمده قۇرولان سۆز سازينا زخمه وۇرام  
بۇدور، اولده سۆزوم، اولكەمىز آباد ياشاسىن  
ياشاسىن ائللريمىز، هر زامان آزاد ياشاسىن

بىرده آرزۇم بۇدور ائللركي سلامت قالاسىز  
اۆز، حياتىزدا، چاتيب آرزولارا كام الاسىز

تۆي اولا، شنليك ائديب اويناياسيز ال چلاسيز  
چاليشيب اولكهده شنليك يارادان شاد ياشاسين  
ببر عومور شادليغيلا آغزي دولو، داد ياشاسين

اومودوم واردى اوزون عومر سورە بئي له گلين  
سيخالار ببر بيرينين صيدق و صفا ايله اين  
تاپالار هر ايكي سي، سير حياتيندا، ديلين  
بيري شيرين كيمي اولموش، بيري فرهاد ياشاسين  
ياشاسين نازلي گلين، گول كيمي داماد ياشاسين

### **آنالارلا آنالار، خان باجيلار، قارداشلار**

عمي لرله دايمي لار، چوخ صفالي يولداشلار  
يئني يئتميش بو جوانلار، قوجامان آغ باشلار  
مطلبي درك ائدن آنلاقلي ار - آرواد ياشاسين  
بسلهين اولكه سينه قهرمان اوولاد ياشاسين

آقئيين لر گوله لر، همده قاين خاتونلار

سورمه سين حکم اورکلرده سيزه آلتونلار  
چوخدا آلداتمايا، خزدن تيکيلن پالتونلار  
هر سوژو بير سوژ ائديب ائتمهين ايراد ياشاسين  
دونيادا صولح سئوه رلر، گوروم آزاد ياشاسين

سئوييه قايناتالار، قاينانالار، بالديزلار  
عمه لر خالالار، غم يئمه سين يالقيزلار  
دولانير - بي - گلينين باشينا آي - اولدوزلار  
بو طبيعنده يارانميش گوزل هر زاد ياشاسين  
آلاهي ائيلهين هر حالدا آدين ياد، ياشاسين

## منده بۇيام

ايستيرم هر زادي ديقتله دويام  
تملين بيلمه بين علم ايله قۇيام  
دۇلانيب آختاريرام منليگيمي  
من كيمم؟ كيمليگيمي ياخشي دويام  
بۇيومون باخماسن آلچاق ليغينا  
نه قدر فيكريوه گلدكجه، بويام  
شانلي اوژ خاقيمين اوٴتگ، ديلي يم  
اسگي بير اولكه يه آد - سانلي سۇيام  
دنيزه باغلي او جۇشقون آرازام  
آخيرام، پاسلي اورك وارسا بۇيام  
بير چايام خئيرينه خلقين آخيرام  
دۇم دۇرو گۆز ياشي تك چايدا سۇيام  
مني تانري ياراديب خلقه گۆزه م  
بۇخسا خلق اولماميشام كي، گۆز اويام  
ايچريمده اوژومون، مرثيه دي  
انشيگيمده ولي بۇ خلقه، تويام

ائليمي اولكهمي جان تك سنویرم  
«يالقیز» ام ياخشى يا پيس منده بۇيام

اي شانە او گيسوي پريشانە دولاشما  
اي جان حذر ائت گنتمه او جانانه دولاشما  
بيچاره ساغين آتش سوزانه دولاشما  
يان دور كي چكر كامه او ثعبانه دولاشما  
» اي شانە او گيسوي پريشانە دولاشما  
جان رشتهسي وار اوردا چكيل يانه دولاشما»

كويوندا گنديب اولما اسير، عومرونو يورما  
حسرتله دوروب باخما اورك قانيني سورما  
بيجا يئره هئي بوينونو ساغه سولا بورما

«اي زولف سیه دایره خالید دُورما  
کافر بالاسی نقطه ایمانه دُولاشما

ای خال خیال عاشیق، سن او جانانه دن ال چک  
گئتمه کی دوشرسن توروئا دانه دن ال چک  
ائولر بیخان او فیتنه، فئانه دن ال چک  
«ایخال، خیال لب جانانه دن ال چک  
هندو بچه سرچشمه حئیوانه دُولاشما»

گر حسن جمالیندا دئسم ای مه تابان  
ای آفت جان، یوخدو سنه ذره جه نوقصان  
اغماض ائله بیر باخ منهده جان سنه قوریان  
«ای غنچه نشکفته لعل لب جانان  
اینصاف ائله سنده خط رئیحانه دُولاشما»

خال و خطی سر خط وئریب واردیر الیمده  
دوشمز خط و خیالین سوزو، داییم بو دلیلمده

آيلار نئجه اوتدو خبريم يۇخدو، ايليمده  
«اي خط دئمه وا سر خط آزادي اليمده  
باشين كسيلر سيب زرخدانه دۇلاشما»

يۇخ كيمسه ده معيار، اولاً حسنونه حاسيب  
سوداي بو عشقينده سنين تك اولاً كاسيب  
اي سيب زرخ ايسته يه سن يئتمه سين آسيب  
آرام اوتو چون گو خم چوگانه دۇلاشما»

«يالقيز» جان آتيب سنده او جانانه يئتيشدين  
او زولف پريشانه اولوب شانہ يئتيشدين  
«صراف» كيمي مرغ غزلخانه يئتيشدين  
«صراف ائله كيم چاك گريپانه يئتيشدين  
ياز قاش ايله گوزدن داخي... تانه دۇلاشما»

## محبت اوچاغی

«میرزه» یازمیش بیر حدیث عشقی وار  
باشدا خلقه خیدمت ائتمک مشقی وار  
شعر نو یازماقدا ماهیر آدلی دیر  
سۆزلری چۆخ دۆزلودور چۆخ دادلی دیر  
باغبان شعرینده گۆلشنلر گۆلور  
نرگیز و رعنا و سوسنلر، گۆلور  
شعریده احساسلی کامیل دیر بۇ گۆن  
یازدیغی اشعاره عامیل دیر بۇ گۆن  
فری شعرینده صداقت آختاریر  
هم شیرینلیک، هم ملاحت آختاریر  
خوش بیان دیر، مهربان دیر خوش کلام  
بامسمّا آدی واردیر خوش مرام  
کوفر ائین بیخماقه طوفان ایستهیر  
طوفانین سبکینده ایمان ایستهیر  
شور و شوقیله سوزون حیدر دئیر



چۇخ گۆزل شعرينده معنا بيلديرر  
اقتدارلي دۇستومور عاريف حزين  
چۇخ يازار هر سبكيده، عالي، ميتن  
حسني دن واردي بير عملي اثر  
خرمن جانە سالار غمدن شرر  
شعريلرده عيبي شاهد تئز بيلر  
عارفانە عيبي سوئلر، تئز گولر  
آرش آراميشدي طۇفاندان قاباق  
بير اونون ميثلي تاپيلماز تا تاپاق  
آختارارسان داغدا - داشدا وار نيشان  
سئير ائدر دايم خياللا ارغوان  
شاعير خۇش ذۇق دور خسروشالي  
سوئلري دوزگون دو آيدين، قايدالي  
هند سبكين ايزله بير چۇخدا روان  
صائبي ائيلر تداعي كامران  
ايلديرم سانكي بۇلودلاردير شاخير  
سينه سيندن سئل كيمي سوئلر آخير

چۇخ آخاردىر طبعى جۇشغوندور شفق  
 چۇخلاريندان سۆزلىرى آلمىش سبق  
 قودرتى وار چۇخ سۆزە يازسىن جناس  
 كىمسە اولماز داي نصير ايله قياس  
 مرشد عاريف جوان، چۇخ دۇيغولو  
 قامتى تىك واردى احساسلى اولو  
 توركوك، فارسى فرشى سۆيلىر خوش غزل  
 فارسىجا زىيا بازار، توركوك گۆزل  
 تارىخى تحقيق ائدركن، بىريا  
 چۇخ دَرين ديقنلى سردارىنيا  
 قهرمانلارن آدين افشا ائدر  
 ائللرى كئچمىش لرين اينشا ائدر  
 عين حالدا سربازدىر  
 پاك اوركله اولكەدە جانبازدىر  
 وار ايكي درويش بىرى درويش پىر  
 يازمىش اول بئش جيلديده آثار خئير  
 بىرده بىر درويش وار اوندان جوان

شاعير خۇش ذۇق دور طبعي روان  
گامك هر قالبيده اشعارين قۇشار  
گاه آخار آرام، گاه سئل تك جۇشار  
ببر قۇجا شاعيرده وار اركانيدير  
ايشلهين اينساندي غيرت كانيدير  
شكري ده شيرين بۇ گون يازماقدادير  
سونبول عۆمرو دَنه دۇلماقدادير  
شعريده مومن شريفدير راحيمي  
عشقي اينسان عشقي، ايمان عاليمي  
دۇستوم اولموشلارديلار بۇ گون بۇلار  
اولماديقلاريمدا واردير آيري لار  
يۇخ بۇلار هئج مينت ، بيزديلر  
بۇ زاماندا ساكين تيريزديلر  
دئنيمي كاشكي بو بيت ائتسين ادا  
اولكهمه، هم ائللره جانيم فدا  
كيمسه دن تۇفيقين آلايه كسمه سين  
غم يئلي بۇ اولكهميزده اسمه سين

«يالقيز» ين ايماني واردير دوز سوزّه  
ايستر ائتسين دوز سوز ايله معجزه  
واردي چون دوز سوزده حتماً معجزه  
اورتسه لر اوستون چيخار آخير اوزه

## محبت اوجاغي

### بيرينجي بولوم

فيكيره يديم بيردن ايلهام اولدو دور  
بير اوجاق بو محفيل عيرفاندا قور  
ياتما شاعير قديوي دور ائت علم  
ياز صداقتدن، اله دور آل قلم  
قويما، فوت اولسون بو فورصت دور يئين  
خلقه خيدمت ائتمه يه دور تئز گئين  
صيدقيه دور باغلا سن همت بئلين  
ياز آنا ديلده سوزو بيلسين ائلين

بیر اثر سندن ده قالسین خاطرہ  
یاد آپار دۆستلاردان اولسون تذکرہ  
دۆستلارین احوالین اوز حالیندا یاز  
سعی قیل اوز قول و اقوالیندا یاز  
یاز بو گون بو شهریده کیملر یازیر  
ریشه سین جھلین قلم ایله قازیر  
کیم بو گون آلچاقلارا یالتاقلانیر  
قوزانیر کیم یا کی کیم آلچاقلانیر  
کیم گندیر اینسانلیغین دوزگون یولون  
بو یولون کیملر گندیرلر ساغ - سولون  
کیم کیمی آلقیشلایر، بو شهریده  
کیم باریش میس خلقیله کیم قهریده چوخ چالیش بو مطلب آیدی بلله نه  
قویما ویجدانین غرضله دیلله نه  
یاز، دوشونجن، آنلاغین قدرینده یاز  
سانکی اولموش یاتمیسان قبرینده، یاز  
باشلا یاز آلاہ آدیله آدلارین  
آدلاریندان دۆستلارین آل دادلارین

## محبّت اوجاغي

### ايکينجي بولوم

وار بُو گون بو شهريده بير انجمن  
انجمن اوستاديدير بو پنج تن  
عضو شورادير بُو گون بو بئش نفر  
صاحب عونانديلار، صاحب نظر  
حضرت اوستاد شيدادير بيرى  
قدردانليق ائله مک و اردير يئري  
عابد شاعيرده اوستاددير متين  
ساخلاپار شاعيرلرين چوخ حورمتين  
قوجامان سلطانيدا اوستاددير  
سعديه اخلاشيدن چوخ شاددير  
شاعير و دوكتور پديده ياد اول

نظمي ده اوستاددير صاحب نظر  
توركو شعريندن ولي يوخدور اثر  
انجمن تشكيل تاپار هر هفته ده  
هفته ده بير گون اودا چرشنبه ده  
ملك عرفان و غزله، شهر يار  
دوغروداندا شهر ياردير، شهر يار  
حاجي موسي دير هريسي ويجه لي  
شاعير و اوتاددير خوش لهجه لي  
چون پريشان شعريده بير هنگدير  
سانكي من سربازهم او سرهنكدير  
دوردهن قيمتلي دير هر بير سوزو  
صاحب ديواندي چون بارز اوزو  
بار الها ائيله رحمت، صابيره  
بير عومور دوستاقدا قالميش شاعيره  
ايلقاريندا آديني، ياد ائيله يك  
رؤحونو بير حمديله شاد ائيله يك  
«حلاج اوغلو بو ائله شانلي اوغول

سۆز حَكِيمي، سۆز لري جنلي اۇغول  
چون سخا اوستاد شعر و سازدير  
دۇيغولو شاعيرلره دمسازدير  
جاودانه ائندي ايتگين ويجهه سين  
اۇنداكي يازدي محبت نغمه سين  
دۇستلارا ايلهام وئرر شعرده مۇغان  
اۆلمه سين بير بئيله اينساني دۇغان  
قهرماندير دۇغرواندا قهرمان  
وار اونون منظومه سينده چۇخلو جان  
شن باھاردير شانلي باغ توركو ديلي  
گول بۇداغيندا هريسلي بۇلبولي  
داشقين اينسانليق باغيندا خۇش ياشير  
جۇشقون عشقي دالغالانماقدان داشير  
وار سليمان ثالث اۇغلو بو ائلين  
بۇ ائلين دوزگون يازار آديدن ديلين  
پاكبازين چۇخ درين احساسي وار  
شعري تك ده سئومه لي سيماسي وار



افتخاري شاعير دين داردير  
مهربان اينساندي خوش رفتاردير  
نچار اوغلو ميلتین دردين يازير  
غير مبهم حالدا چوخ آيدين يازير  
محفله رونق وئرن شېگيردير  
حق يولوندا ضد هر تزويردير  
کوي عرفاندا بو گون، شب خيزده  
شوهرتي مشهوردور، تبريزده  
سمبل صدق و صداقتدير صديق  
سوزلري قيمتليدير مثل عقيق  
قائمي شاعيردي، خوش ذوق و متين  
خوش سلوکي آرتيريدير حورمتين  
شعريده مضمون يارالدا ندير شکيب  
چوخ مودبدير، موقردير، نجيب  
چوخ يازار نافذده تضمين حافظه  
واردير اوندا ياخشې ذوق و حافظه  
شعريني هجران يازار حماسه لي

ائلر عشقیله دیلی تلواسه‌لی

### بیتداشیق مجنون

گۆرمه‌یه اۆلده یاری، الدهه بیر زاد ایسته‌بیر  
بذل جان چۆخ ایسته‌میر، یار ارز آزاد ایسته‌بیر  
اشتهاسین یاریمین گۆسترمه یارب کیمسه‌یه  
مئیلینین یۆخ واقتی، اۆزۈنک کونلو هر زاد ایسته‌بیر  
آزجاجیق، ناز ائتمه‌یه، نازلی نیگاریم، نازینا  
هر نه واردیر مال دۈنیا، کل مازاد ایسته‌بیر  
ائل گۆلۈنده بیر ناهار میل ائتمه‌یه او خوش خوره‌ک  
بیر ینکه هشترخان ایله قاز پریزاد ایسته‌بیر  
شیرین ایستیر قازدیرا فرهاده عشقین آرخینی  
قازماغا دۈنیادا بویوندا قازما، فرهاد ایسته‌بیر  
بیر ایتمی کسکین کولونگ ایستر گتیرسین آرخا سو

بستان اکديرسين اوركده، عشقين آباد ايسته يير  
ايسته مير معشوقونون باشيندا، قوش سالسين يۇوا  
پيتلاشيق مجنونو يۇخ، چۇخ شاخ شمشاد ايسته يير  
غنچه لنديرسين دۇداقلارين، يئله وئرسين تتلين  
گزديره داغلاردا ياپدا، تير، مرداد ايسته يير.

### گتسم، گلهرم

ابرو، اۇد، سۇ، اۇلدولار يۇلداش  
هر بير يانا سفر ائتسين  
دۇلانيب هر نه كي گورۇب، قايديب  
گلهميين بيلديريب خبر ائتسين

اۇد دئدي: اۇنداكي هاوا سويويار  
داغلار قار دوشن زامان گلرم

اۇلسا ھەر ۋاقت اَللو پىلوۋدان يئي

يادلارا يار دوشن زامان گلرم

سۇ دئدي: من ده دوز يايين آراسي

قوشولوب ميوه يه دولوب گلرم

قاريشيب قارپيزا، قوهون، اوزومه

بال كيمي شيپ - شيرين اولوب گلرم

آبرو سويله ييب كي گنتسم من

قايديب گلرم داھا بۇيانا

بۇدور لاپ ياخشيسي يئريمدن من

دزه ترينمه ييم بۇيان اويانا

## دادا گنتسه

«ياور» دئمه رم «گامكه» بۇينوم دارا گنتسه

اۆز حقيمي اوندان دوتوب آلام هارا گنتسه

حق آلماليدير بيل اُونو وئرمزله سن اللش

آل حقيني بو يولدا باشيندا دارا گنتسه

ال چكمه رم آنجاق يخه سيندن اُونو، بيلسين

قورتولسا اليمدن، او قاچيب آوارا گنتسه

چون روزي اولوب، محتكرين چنگينه دوشسه،

دوز مامور اولوب، كشف ائده رم انبارا گنتسه

چيخميش آدي، سرباز كيمي، غائبيدي فراري

ساللام گيره دوولت ساياقي، هر هارا گنتسه

مشهوردي توتار دووشاني، دوولت آرا بئيله (آرaba)

گیزلنمك اوجون داغ داشا قاجسا غارا گندسه

منده اونو ميطباقدا، پيشيك تك، گيره ساللام  
اولموشسا سيچان، لاپ سۇخولوب تالوارا گنتسه

شاعيرليگي، ايستركي اولا، هامميا، محرز  
فيكر ائيله مەسین جيب دولوسو پۇل پارا گنتسه؟

اگلنجه قۇربدور، وئره شاعيرلره، بير سور  
اوندان سۇرا آزاددي، چيخيپ دار دارا گنتسه

بو نحويله مومكوندو كي، «گامك» اولا، «ياور»  
بۇ آد قالا دونياده، اوزوندن سۇرا گنتسه

يۇخسا اونو بيلسين كي دوشوب بئنينه «يالقيز»  
ال چكميه جكدير، او قاجيب بۇلغارا گنتسه

دۇلارا، ماركا، سئالات ساتيرام  
آي الان، پست و مقامات ساتيرام  
چۇخ اۇجوز ملك و ولايات ساتيرام  
دۇلارا، ماركا، سئالات ساتيرام  
پۇللويا رمزي علامات ساتيرام  
اونيوسينه ده راحت ساتيرام

كىمسه نين واردي مۇبايلي، ايمئيلي  
اۇنلارين واردي بيلير رمز ديلي  
هم ديلي وار اۇلارين همده پولي (پولو)  
اۇنلارا گيزلي سئالات ساتيرام  
آي آلان پست و مقامات ساتيرام

پوللييا، وارلييا هر ياندا بۇ گون  
آزادام ساتماغا هر زاددا بۇ گون  
ساتيرام شيرين و فرهاددا بۇ گون

آي آلان پست و مقامات ساتيرام  
گيزليجه خلقه سئوالات ساتيرام

هر جوره مدرک آلان وارسا دئسين  
پشت کنکوردا قالان وارسا دئسين  
بو خبردن به خبر وارسا دئسين  
آي آلان پست و مقامات ساتيرام  
گيزليجه خلقه سئوالات ساتيرام

اۇلارين كي پولو واردير گيريشه  
پولسوز هر زاددا گرکدير، سوروشه  
پست آختارمايا، گئتسين بير ايشه  
ائيليرم خلقه عنايت ساتيرام  
ائتميشم ايشده جسارت ساتيرام

پولسوزا سئوديگي يئر گئتمك حرام  
پولوسوزا سئوديگي ائو تيكمك حرام



پولسوزا حتي نفس چككم حرام  
پولسوزا حتي نفس چككم حرام  
قورتولوش چاره، هلاكت ساتيرام

ميليون ياريم اضافه قيز!  
ميليون ياريم اضافه قيز واريميز  
لطف ائيله ييب بيزه اونو تاريميز  
آما بيلسه ائوده بيزيم قاريميز  
مني قويماز ائودن چيخام ائشيگه  
آستانادا قويمار مني كئشيگه

يازديم بونو شوخلوق ايله گوله سيز  
اورگيمده بو درديمي بيله سيز

ايش گنچمه مېش ايشدن عقله گله سيز

بو مۇشگوله، آنالارلا، آنالار

فيكرلسيب چاره يولو تاپالار

اوغان نعمت، قيزا دئير: حسنه

دئمه آلاھ خلق ائله ييب بيزه نه؟

اضافه نې وئره لر، نه وئره نه!

ائولنمگي ساده دوتساز اره، نه

غئيره تلي بير اوغان اولسون آره نه

### **چيخدي قوز اوستدن قوزوموز**

ساقې بير جام سو گتير سنله آچيقدير اوزوموز

سنده قويما يئره دوشسون آغيز آچديق سوزوموز

درد آليب اۇنباسي اوستونده ائله چيرپدي، يئره

لاپ او يونگول وارييسي، دييدن اولوب اون بوزوموز

گۆپسەيب غم يئره از بس باسيب آلتيندا، دۆيۈب  
كۆپوشوب اوز گۆزوموز، هئچ يئري گۆرمور گۆزوموز  
سالدي قيمتدن آي اۇغلان ائله دۆوران بيزي كي  
دگمه يير بير دۇلارا دۇنيادا، دۆرد بئش يوزوموز  
گنجه جكده پوزوموز عالي، جيب اولسايديدا بوش  
ايندي هم جيلريميز بوشدو همي يۇخ پوزوموز  
بير مثل وار ائل آراسيندا دئيرلر بو سۆزو  
قوزوموز چۇخ آزيدير، چيخدي قوز اوستدن قوزوموز  
دۇنداريبيلار ائله يخچال جهالتده، بيزي  
نه قدر واردي بو استعمار آچيلماز بوزوموز  
نه قدر اسمه ده دير دۇنيادا جهلين طوفاني  
اوستوموزدن هله گئتمز بو ظلالت توزوموز  
آيري هر دۆوره ده آزاد دۇلانيب چكدي كئفين  
قالدي تاريخ بويو دۇستاقلار ايچينده دوزوموز  
بيزي دوز سۆزلو غوموزدان يئمك اولموردو او گون  
اينديده شورلو غوموزدان كي چۇخ اولموش دوزوموز  
سسسي باتميش خوروزوم بانلاماير، بانلاماسين

گنجه، گنتمكده دي چون يولدا گلير گوندوزوموز  
بیز گرك اوزگه لري چوخدا جانيم، دانلاماياق  
باشلارا كول الهديك، اوز اليميزله، اوزوموز  
گنتمه آي ساقاي، دايان سنده بيزي ترك ائلهمه  
اوبيره نيدير سنه آنجاق كي يامان اوز، گوزوموز  
ساقليق ائيلهمه آي ساقاي گنديب، اوزگه لره  
اوز باغيزدا گوزه ليم هر جوهره واردير اوزوموز  
اولسا دوستلوق آراسيندا يئكه بير مسئاهمير  
اونو قارداش وار حل ائيله يهرك اوز بوزوموز  
شوكر اولا آلاها كي هئچ زاديميز، اولماسادا  
قاماشان بير گوزوموز وار، اوتانان بير اوزوموز  
سنده ساقاي بئله گل باشلاما بو «يالقيز» ايله  
قويماياق گل آراميزدان چيخا بلکه سوزوموز